

欽定古今圖書集成博物彙編草木典

第二百五十卷目錄

椒部彙考

椒圖

胡椒圖

崖椒圖

蔓椒圖

地椒圖

詩經

爾雅

春秋緯

山海經

賈思勰齊民要術

毛詩陸疏廣要

段成式酉陽雜俎

徐光啓農政全書

本草綱目

高濂遵生八牋

椒部藝文一

椒華銘

元日獻椒花頌

椒部藝文二詩

椒園

寄懷歸州馬判官

晉成公綏

郭璞

劉琰妻

唐王維

裴迪

僧齊己

次韻袁公濟謝芎椒

地椒

花椒

椒部選句

椒部紀事

椒部雜錄

宋蘇軾

元許有壬

明僧宗林

草木典第二百五十卷

椒部彙考

釋名

椒

秦椒

蜀椒

蔓椒

畢澄茄

檄爾雅

胡椒

崖椒

地椒

椒圖



胡椒圖



崖椒圖



蔓椒圖



欽定古今圖書集成博物彙編草木典

第二百五十卷目錄

椒部彙考

椒圖

胡椒圖

崖椒圖

蔓椒圖

地椒圖

詩經

爾雅

春秋緯

山海經

賈思勰齊民要術

毛詩陸疏廣要

段成式酉陽雜俎

徐光啓農政全書

本草綱目

高濂遵生八牋

椒部藝文一

椒華銘

元日獻椒花頌

椒部藝文二詩

椒園

寄懷歸州馬判官

晉成公綏

郭璞

劉琰妻

唐王維

裴迪

僧齊己

次韻袁公濟謝芎椒

地椒

花椒

椒部選句

椒部紀事

椒部雜錄

宋蘇軾

元許有壬

明僧宗林

草木典第二百五十卷

椒部彙考

釋名

椒

秦椒

蜀椒

蔓椒

畢澄茄

檳榔

胡椒

崖椒

地椒

椒圖



胡椒圖



崖椒圖



蔓椒圖



地椒圖



詩經

唐風椒聊

椒聊之實蕃衍盈升彼其之子碩大無朋椒聊且遠條且

椒聊椒也。椒之性芬香而少實。今一林之實蕃衍滿升非其常也。釋木云：檳榔郭璞曰：今椒樹叢生實大者名爲檳榔。陸疏曰：椒聊語助也。椒樹似茱萸有針刺葉堅而滑澤蜀人作茶吳人作茗皆合其葉以爲香。今成單諸山間有椒謂之竹葉椒其樹亦如蜀椒少毒熱不中合藥也可著飲食中又用蒸雞豚最佳。香東海諸島亦有椒樹枝葉皆相似子長而不圓甚香其味似橘皮。島上獐鹿食此椒葉其肉自然作椒橘香。箋言一林之實者。林謂椒之房裏實者也。釋木云：椒檳榔菜李巡曰：檳榔實也。椒菜實皆有房故曰林。林實也。郭璞曰：茱萸子聚生成房是椒之房裏名爲林也。知蕃衍滿升謂一林之實者若論一樹則不啻一升。纔據一實又不足滿升且詩取蕃多爲喻不

言一實之大故知謂一林之實也。驗今椒實一裏之內唯有一實時有二實者少耳。今言一林滿升假多爲喻非實事也。王肅云：種一實蕃衍滿一升若種一實則成一樹非徒一升而已不得以種一實爲喻也。椒之蕃盛則采之盈升矣。彼其之子則碩大無朋矣。椒聊且遠條且嘆其枝遠而實益蕃也。

兩手曰菊

陳風東門之枌

視爾如政貽我握椒

椒芬香也。椒之實芬香定本云：椒芳物

周頌載芣

有椒其馨

爾雅

釋木

檳榔

今椒樹叢生實大者名爲檳榔。檳榔者大椒之別也。郭云：今椒樹叢生實大者名爲檳榔。詩唐風云：椒聊且陸疏云：椒樹如茱萸有針刺葉堅而滑澤蜀人作茶吳人作茗皆合其葉以爲香。今成單諸山間有椒謂之竹葉椒其樹亦如蜀椒少毒熱不中合藥也可著飲食中又用蒸雞豚最佳。香東海諸島上亦有椒樹枝葉皆相似子長而不圓甚香其味似橘皮島上獐鹿食此椒葉其肉自然作椒橘香

椒檳醜求

茱萸黃子聚生成房貌。今江東亦呼茱萸檳似茱萸而小赤色。茱萸實之房椒檳之類實皆有菜藥自襲李巡曰：椒茱萸皆有房故曰茱萸實也。春秋緯

運斗樞

玉衡星散爲椒

椒桂合剛陽

椒桂陽星之精所生也。合猶連體而生也。

山海經

北山經

景山其草多秦椒

子似椒而細葉

中山經

琴鼓之山其木多椒栢

虎尾之山其木多椒栢

栢山多椒栢

賈思勰齊民要術

種椒

爾雅云：檳榔廣志曰：胡椒出西域范子計然曰：蜀椒出五都秦出天水。案今青州有蜀椒種本商人居椒爲美見椒中黑實乃遂生意種之。凡種數千枝止有一根生數歲之後更結子實芳香形色與蜀椒不殊氣勢微弱耳。遂分布種移略通州境也。

熟時收取黑子

俗名椒目不用人手數近觸之則不生也

四月初畦種之

治畦下水如種葵法

方三寸一子篩土覆之令厚寸許復篩熟糞以蓋土上旱輒澆之常令潤澤生高數寸夏連雨時可移之移法先作小坑圓深三寸以刀于圓剝椒栽合土移之於坑中萬不一失

若拔而移者率多死

若移大栽者一月三月中移之先作熟糞泥掘出即封根合泥埋之

行數百里者亦得生

此物性不耐寒陽中之樹冬須草裹

不裹即死

其生小陰中者少稟寒氣則不用裹

所謂習以成性寒暑易容不能易質也

候實口開便速收之天時晴摘下薄布曝之令一日即乾色赤椒好

若陰時收者色黑失味

其葉及青摘取可以為菹乾而末之亦足充事

養生要論曰臘夜令持椒臥房牀旁無與人言內井

中除瘴病

毛詩陸疏廣要

唐風

椒聊之實

椒聊聊語助也椒樹似茱萸有針刺莖葉堅而滑澤蜀人作茶吳人作茗皆合其葉以為香今成卑諸山間有椒謂之竹葉椒其樹亦如蜀椒少毒熱不中合藥也可著飲食中又用蒸雞豚最佳香

東海諸島上亦有椒樹枝葉皆相似于長而不圓甚香其味似橘皮島上獐鹿食此椒葉其肉自然作椒橘香也

爾雅云檳榔大椒那疏云檳者大椒之別也郭云今椒樹叢生實大者名為檳詩唐風云椒聊且鄭註云檳大椒秦椒也與蜀椒相似稍大而香氣減焉俗呼穆子爾雅又云椒檳醜菜疏云椒檳之類實皆有菜葉自襄李巡曰椒菜葉皆有房故曰菜葉實也郭云菜葉子聚生成房貌今江東亦呼菜椒似茱萸而小赤色鄭云此類結子成穗菜葉雅椒似茱萸而小赤色內含黑子如點今謂椒目木有針刺葉堅而滑澤爾雅曰椒檳醜菜桃李醜核言桃李屬皆內核椒檳屬皆外菜也酉陽雜俎曰椒可以來水銀茱萸氣好上椒氣好下蓋椒氣性不上達故詩以譬沃也言沃盛強能修其政然其馨香下達而已詩曰椒聊之實蕃衍盈升椒聊之實蕃衍盈升沃以支子受邑其後遂將盛大則猶之椒也其實蕃衍而至於盈升盈刺也莊子曰章以哀椒雖踰綿綿終久則臭故天下之理有初雖若佳後更為害不可不察也爾雅實多而香故唐詩以椒聊喻曲沃之蕃衍盛大聊語助也陳詩貽我握椒周頌有椒其馨離騷云雖申椒與菌桂懷椒糈而要之九歌曰奠桂酒兮椒漿播芳椒今成室漢世皇后稱椒房取其實蔓延盈升以椒塗屋亦取其溫暖故長樂宮有椒房殿其後董賢女弟為昭儀居舍與后相擬風及晉世石崇王愷之徒相矜以富於是崇以椒為泥泥其屋而愷以赤

石脂泥其壁云荆楚之俗正月一日長幼悉正衣

冠以大拜賀進椒酒崔寔月令云過臘一日謂之小歲拜賀君親進椒酒從小起成公綏椒花銘云肇惟歲首月正元日是知小歲則用之漢朝元正則行之後世率以正月一日以盤進椒飲酒則椒實酒中號椒盤焉然椒亦能殺人故漢李咸欲爭子孫令太醫煮二斛椒熟則一時賜死此其事春秋運斗樞曰玉衡星散為椒山海經曰琴鼓之山其木多椒孝經援神契曰椒薑鬱蒿蒲益聰蜀都賦丹椒爾雅以檳為大椒謂叢生實大者又曰椒檳醜菜葉子聚生成房貌今江東亦呼菜云樹有針刺葉堅而滑澤每葉中亦有刺蜀人作茶吳人作茗皆資其葉以為香又東海諸島上有椒子長而不圓其味如橘皮島上獐鹿食此葉者其肉自然作椒橘香范子計然曰蜀椒出五都赤色者善秦椒出天水隴西細者善通志椒曰舊藪曰陸撥曰南椒生於漢中者曰漢椒蜀中者曰蜀椒巴中者曰巴椒

按爾雅云科者聊郭氏鄭氏雖俱云未詳然聊為木無疑矣或者木之糾曲者各聊烏知椒聊之聊非即科者聊耶但向來諸家俱作助語辭不敢妄解

段成式西陽雜俎

胡椒

胡椒出摩伽國呼為味履文其苗蔓生極柔弱葉長寸半有細條與葉齊條上結子兩兩相對其葉晨

地椒圖



詩經

唐風椒聊

椒聊之實蕃衍盈升彼其之子碩大無朋椒聊且遠條且

椒聊椒也。椒之性芬香而少實。今一林之實蕃衍滿升非其常也。疏釋木云：椒大椒郭璞曰：今椒樹叢生實大者名爲檳陸。疏曰：椒聊語助也。椒樹似茱萸有針刺葉堅而滑澤蜀人作茶吳人作茗皆合其葉以爲香。今成皋諸山間有椒謂之竹葉椒其樹亦如蜀椒少毒熱不中合藥也。可著飲食中又用蒸雞豚最佳。香東海諸島亦有椒樹枝葉皆相似子長而不圓甚香其味似橘皮島上獐鹿食此椒葉其肉自然作椒橘香。箋言一林之實者林謂椒之房裏實者也。釋木云：椒椒醜菜李巡曰：椒茱萸也。椒茱萸皆有房故曰林。林實也。郭璞曰：茱萸子聚生成房是椒之房裏名爲林也。知蕃衍滿升謂一林之實者若論一樹則不啻一升。纔據一實又不足滿升且詩取蕃多爲喻不

言一實之大故知謂一林之實也。驗今椒實一裏之內唯有一實時有二實者少耳。今言一林滿升假多爲喻非實事也。王肅云：種一實蕃衍滿一升若種一實則成一樹非徒一升而已不得以種一實爲喻也。注：椒之蕃盛則采之盈升矣。彼其之子則碩大無朋矣。椒聊且遠條且嘆其枝遠而實益蕃也。

椒聊之實蕃衍盈升彼其之子實大且篤椒聊且遠條且

兩手曰菊
陳風東門之枌
視爾如荍貽我握椒
椒芬香也。椒之實芬香定本云：椒芳物有椒其馨爾雅

釋木
檳大椒
注：今椒樹叢生實大者名爲檳。檳者大椒之別也。郭云：今椒樹叢生實大者名爲檳。詩唐風云：椒聊且陸璣疏云：椒樹如茱萸有針刺葉堅而滑澤蜀人作茶吳人作茗皆合其葉以爲香。今成皋諸山間有椒謂之竹葉椒其樹亦如蜀椒少毒熱不中合藥也。可著飲食中又用蒸雞豚最佳。香東海諸島上亦有椒樹枝葉皆相似子長而不圓甚香其味似橘皮島上獐鹿食此椒葉其肉自然作椒橘香

椒椒醜菜
茱萸子聚生成房貌今江東亦呼茱萸椒似茱萸而小赤色。疏：求者實之房椒檳之類實皆有菜葉自裹李巡曰：椒茱萸皆有房故曰茱萸實也。春秋緯
運斗樞
玉衡星散爲椒
椒桂合剛陽
注：椒桂陽星之精所生也。合猶連體而生也。山海經
北山經
景山其草多秦椒
注：子似椒而細葉
中山經
琴鼓之山其木多椒柘
虎尾之山其木多椒柘
楮山多椒柘
賈思勰齊民要術
種椒
爾雅云：檳大椒廣志曰：胡椒出西域范子計然曰：蜀椒出五都秦出天水。案今青州有蜀椒種本商人居椒爲葵見椒中黑實乃遂生。意種之凡種數千枝止有一根生數歲之後更結子實芳香形色與蜀椒不殊氣勢微弱耳。遂分佈種移略通州境也。
熟時收取黑子
俗名椒目不用人手數近觸之則不生也

紫赤色八月采實焙乾江淮北土亦有之莖葉都相類但不及蜀中者良而皮厚裏白味烈也

李時珍曰蜀椒肉厚皮皺其子光黑如人之瞳人故謂之椒目他椒子雖光黑亦不似之若土椒則子無光彩矣

修治

雷敩曰凡使南椒須去目及閉口者以酒拌濕蒸從巳至午放冷密蓋無氣後取出使入磁器中勿令傷風也

寇宗奭曰凡用蜀椒秦椒並微炒使出汗乘熱入竹筒中以槌搗去裏面黃殼取紅用未盡再搗或只炒熱隔紙鋪地上以盤覆待冷碾取紅用

椒紅氣味

辛溫有毒

別錄曰大熱多食令人乏氣喘促口閉者殺人

孟詵曰五月食椒損氣傷心令人多忘

李廷飛曰久食令人失明傷血脈

徐之才曰杏仁爲之使得鹽味佳畏款冬花防風附子雄黃可收水銀中其毒者涼水麻仁藥解之

椒紅主治

本經曰邪氣欬逆溫中逐骨節皮膚死肌寒熱癰痛下氣久服頭不白輕身增年

別錄曰除六腑寒冷傷寒溫瘧人風汗不出心腹留飲宿食腸澼下痢洩精女子字乳餘疾散風邪癰結水腫黃疸鬼疰蠱毒殺蟲魚毒久服開腠理通血脈堅齒髮明目調關節耐寒暑可作膏藥
甄權曰治頭風下淚腰脚不遂虛損留結破血下諸

石水治欬嗽腹內冷痛除齒痛

大明曰破癥結開胃治天行時氣產後宿血壯陽療陰汗暖腰膝縮小便止嘔逆

孟詵曰通神去老益血利五臟下乳汁滅癥生毛髮

李時珍曰散寒除濕解鬱結消宿食通三焦溫脾胃補右腎命門殺蛇蠱止泄瀉

椒紅發明

蘇頌曰服食方單服椒紅補下宜用蜀椒乃佳投成式言椒氣下達餌之益下不上冲也

李時珍曰椒純陽之物乃手足太陰右腎命門氣分之藥其味辛而麻其氣溫以熱裏南方之陽受西方

之陰故能入肺散寒治欬嗽入脾除濕治風寒濕痹水腫瀉痢入右腎補火治陽衰瘦數足弱久病諸証

一婦人年七十餘病瀉五年百藥不效予以感應丸五十九投之大便二日不行再以平胃糴加椒紅茴香棗肉爲丸與服遂瘳每因怒食舉發服之即止此

除濕消食溫脾補腎之驗也按歲時記言歲旦飲椒柏酒以辟疫癘椒乃玉衡星精服之令人體健耐老

柏乃百木之精爲仙藥能伏邪鬼故也吳猛真人服椒訣曰椒稟五行之氣而生葉青皮紅花黃腹白子

黑其氣馨香其性下行能使火熱下達不致上薰芳草之功皆不及其方見下時珍謂椒紅丸雖云

補腎不分水火未免誤人大抵此方惟脾胃及命門虛寒有濕鬱者相宜若脾胃素熱者大宜遠之故丹

溪朱氏云椒屬火有下達之能服之既久則火自水中生故世人服椒者無不被其毒也又上清訣云凡

人喫飯飽覺氣上衝心胃痞悶者以水吞生椒一

二十顆即散取其能通三焦引正氣下惡氣消宿食

也又戴原禮云凡人嘔吐服藥不納者必有蛇在膈間就聞藥則動動則藥出而蛇不出但於嘔吐藥中

加炒川椒十粒良蓋蛇見椒則頭伏也觀此則張仲景治蛇厥烏梅丸中用蜀椒亦此義也許叔微云大

凡腎氣上逆須以川椒引之歸經則安

椒目氣味

苦寒無毒

甄權曰苦辛有小毒

蘇恭曰水腹脹滿利小便

甄權曰治十二種水氣及腎虛耳卒鳴聾勝脫急

朱震亨曰止氣喘

甄權曰治氣下達故椒目能治腎虛耳鳴用巴豆黃

蒲同碾細以松脂黃蠟溶和爲挺納耳中抽之治腎

氣虛耳中如風水鳴或如打鐘磬之聲卒暴聾者一

日一易神驗
寇宗奭曰椒目治盜汗有功將目微炒碾細用半錢以生豬上唇煎湯一合睡時調服無不效蓋椒目能行水又治水蠱也
朱震亨曰諸喘不止用椒目炒礮二錢白湯調服二三服以上切之後乃隨痰火用藥
李時珍曰椒目下達能行滲道不行穀道所以能下水燥濕定喘消蠱也
葉氣味
辛熱無毒

葉主治

大明曰奔豚伏梁氣及內外腎釣并霍亂轉筋和艾及葱礬以醋拌卷之

李時珍曰殺蟲洗脚氣及漆瘡

根氣味

辛熱微毒

根主治

李時珍曰腎與膀胱虛冷血淋色瘕者煎湯細飲色鮮者勿服

附方

椒紅丸治元臟傷憊目暗耳聾服此百日覺身輕少睡足有力是其效也服及三年心智爽悟目明倍常面色紅悅髮光黑用蜀椒去目及合口者炒出汗暴乾搗取紅一斤以生地黃搗自然汁入銅器中煎至一升候稀稠得所和椒末九梧子大每空心緩酒下三十九合藥時勿令婦人雜犬見詩云其椒應五行其仁通六義欲知先有功夜見無夢寐四時去煩勞五臟調元氣明目腰不痛身輕心健記別更有奇能三年精白秘回老返嬰童康強不思睡九蟲頓消忘三尸自逃避若能久餌之神仙應可冀

仙方椒茶丸補益心腎明目駐顏順氣祛風延年真川椒一斤炒去汗白茯苓十兩去皮為末煉蜜九梧子大每服五十九空心鹽湯下忌鐵器

虛冷短氣川椒三兩去目并合口者以生絹袋盛浸無灰酒五升中三日隨性飲之

腹內虛冷用生椒擇去不拆者用四十粒以漿水浸一宿令合口空心新汲水吞下久服暖臍駐顏黑

髮明目令人思飲食

心腹冷痛以布裹椒安痛處用熨斗熨令椒出汗即止

冷蟲心痛川椒四兩炒出汗酒一盞淋之服酒

陰冷入腹有人陰冷漸漸冷氣入陰囊腫滿日夜疼悶欲死以布裹椒包囊下熱氣大通日再易之以消為度

呃噫不止川椒四兩炒研麪糊九梧子大每服十九醋湯下神效

傳尸勞疰最殺勞蟲用真川椒紅色者去子及合口以黃草紙二重隔之炒出汗取放地上以砂盆蓋定以火灰密遮四旁約一時許為細末去殼以老酒浸白糕和九梧子大每服四十九食前鹽湯下服至一斤其疾自愈此藥兼治諸癰用肉桂煎湯下腰痛用茴香湯下腎冷用鹽湯下昔有一人病此遇異人授是方服至三斤吐出一蟲如蛇而安遂名神授丸

歷節風痛白虎歷節風痛甚肉理枯虛生蟲遊走痒痛兼治癰疾半身不遂即止治勞疰神授丸方

寒濕脚氣川椒二三升疎布囊盛之日以蹈脚貴人所

諸瘡中風生蜀椒一升以少麪和搜髮椒勿令漏氣分作兩裹於燂灰火中燒熟刺頭作孔當瘡上毒之使椒氣射入瘡中冷即易之須臾瘡中出水及遍體出汗汗即瘳也

瘡腫作痛生椒末釜下土蕎麥粉等分研醋和傅之

囊瘡痛痒紅椒七粒葱頭七箇煮水洗之一人途中苦此湘山寺僧授此方數日愈名驅風散

手足皸裂椒四合以木煮之去滓漬之半食頃出令燥須臾再浸候乾塗猪羊腦髓極妙

漆瘡作癢譚氏方用漢椒煎湯洗之相感志云凡至漆所嚼川椒塗鼻上不生漆瘡

夏月濕瀉川椒炒取紅肉苣蔻煨各一兩為末梗米飯九梧子大每量人米飲服百丸

餐瀉不化及久痢小椒一兩炒蒼朮二兩土炒礬末醋糊九梧子大每米飲服五十九

久冷下痢或不痢腰腹苦冷用蜀椒三升酢漬一宿麵三升同椒一升拌作粥食不遇三升瘳

老小洩瀉小兒水瀉及人年五十以上患瀉用椒二兩醋二升煮醋盡慢火焙乾礬末磁器貯之每服二錢匕酒及米飲下

水瀉痢瘡椒一分去目礬酥調少少塗臍上日三度

食茶面黃川椒紅炒礬末九梧子大每服十九茶湯下

傷寒齒齬傷寒嘔血繼而齒縫出血不止用開口川椒四十九粒入醋一盞同煎熟入白礬少許服之

風蟲牙痛總錄用川椒紅漢水和白麪九阜子大燒熟咬之數度愈一方花椒四錢牙早七箇醋一盞煎漱之

頭上白禿花椒漢猪脂調傳三五度便愈

婦人禿髮漢椒四兩酒浸密室內日日搽之自然長

也聖也

蠍螫作痛川椒嚼細塗之微麻即止

百蟲入耳川椒研細浸醋灌之自出

毒蛇咬螫以閉口椒及葉搗封之良

蛇入人口因熱取涼臥地下有蛇入口不得出者用

刀破蛇尾納生椒二三粒裹定須臾即自退出也

小兒暴驚啼哭絕死蜀椒左顧牡蠣各六銖以酢漿

木一升煮五合每灌一合

舌蹇語吃川椒以生麪包丸每服十粒醋湯送下

痔漏脫肛每日空心嚼川椒一錢凉水送下三五次

即收

腎風癢痒川椒杏仁研膏塗掌心合陰囊而臥甚效

水氣腫滿椒目炒搗如膏每酒服方寸匕

雷飲腹痛椒目二兩巴豆一兩去皮心熬搗以膏膏

和九麻子大每服二九吞下其痛即止

又方椒目十四枚巴豆一枚鼓十六枚合搗為二九服之取吐

利

痔漏腫痛椒目一撮碾細空心水服三錢如神

崩中帶下椒目炒碾細每溫酒服一鈞

眼中黑花年久不可治者椒目炒一兩蒼朮炒一兩

為末醋糊丸梧子大每服二十九醋湯下

崖椒集解

蘇頌曰施州一種崖椒葉大於蜀椒彼土人四季采

皮入藥

李時珍曰此即俗名野椒也不甚香而子灰色不黑

無光野人用炒雞鴨食

椒紅氣味

辛辣無毒

忌鹽

李時珍曰有毒

主治

蘇頌曰肺氣上喘兼欬嗽并野薑為末酒服一錢匕

蔓椒釋名

集解

別錄曰蔓椒生雲中山谷及丘冢間采莖根煮酒

陶弘景曰山野處處有之俗呼為樗子似椒櫛而小

不香一名稀椒可以蒸病出汗

李時珍曰蔓椒野生林箬間枝梗如蔓子葉皆似椒

山人亦食之爾雅云椒椒醜林謂其子叢生也陶氏

所謂樗子當作樗子諸椒之通稱非獨蔓椒也

實根莖氣味

苦溫無毒

主治

本經曰風寒濕痺歷節除四肢厥氣膝痛煎湯蒸

浴取汗

陳藏器曰根主痔燒末服煮汁浸之

孟詵曰賊風擊急

李時珍曰通身水腫用枝葉煎如汁熬如飴狀每空

心服一匙日三服

地椒集解

掌禹錫曰地椒出上黨郡其苗覆地蔓生莖葉甚細

花作小紫色紫白因舊莖而生

李時珍曰地椒出北地即蔓椒之小者貼地生葉形

小味微辛土人以煮羊肉食香美

實氣味

辛溫有小毒

主治

陳嘉祐曰淋瀝治腫痛可作殺蛙蠱藥

附方

牙痛地花椒川芎藭尖等分為末擦之

胡椒釋名

李時珍曰胡椒因其辛辣似椒故得椒名實非椒也

集解

蘇恭曰胡椒生西戎形如鼠李子調食用之味甚辛

唐慎微曰按段成式酉陽雜俎云胡椒出摩伽陀國

呼為昧履支其苗蔓生莖極柔弱葉長寸半有細條

與葉齊條上結子兩兩相對其葉晨開暮合合則裹

其子於葉中形似漢椒至辛辣六月采今食料用之

李時珍曰胡椒今南番諸國及交趾滇南海南諸地

皆有之蔓生附樹及作棚引之葉如扁豆山藥輩正

月開黃白花結椒纒藤而生狀如梧桐子亦無

核生青熟紅青者更鮮四月熟五月采收暴乾乃皺

今遍中國食品為日用之物也

實氣味

辛大溫無毒

李時珍曰辛熱純陽走氣助火昏目發瘡

李珣曰多食損肺令人吐血

主治

唐本草曰下氣溫中去痰除臟腑中風冷

李珣曰去胃口虛冷氣宿食不消霍亂氣逆心腹卒痛冷氣上衝

大明曰調五臟壯腎氣治冷痢殺一切魚肉蠶蠶毒

寇宗奭曰去胃寒吐水大腸寒滑

李時珍曰暖腸胃除寒濕反胃虛脹冷積陰毒牙齒浮熱作痛

發明

寇宗奭曰胡椒去胃中寒痰食已則吐水甚驗大腸寒滑亦可用須以他藥佐之過劑則走氣也

朱震亨曰胡椒屬火而性燥食之快晴喜之者衆積久則脾胃肺氣大傷凡病氣疾人益大其禍也牙齒痛必用胡椒單者散其中浮熱也

李時珍曰胡椒大辛熱純陽之物腸胃寒濕者宜之

熱病人食之動火傷氣陰受其害時珍曰少嗜之歲歲病目而不疑及也後漸知其弊遂痛絕之曰病亦止

纔食一二粒即便昏滿此乃昔人所未試者蓋辛走氣熱助火此物氣味俱厚故也病咽喉口齒者亦宜忌之近醫每以菜豆同用治病有效蓋豆寒椒熱

陰陽配合得宜且以豆制椒毒也按張從正儒門事親云噎膈之病或因酒得或因氣得或因胃火醫氏

不察火裏燒薑湯中煮桂丁香未已豆蔻繼之草芩未已胡椒繼之雖曰和胃胃本不寒雖曰補胃胃本

不虛况三陽既結食必上朝止宜湯丸小小潤之可也時珍竊謂此說雖是然亦有食入反出無火之證

又有痰氣鬱結得辛熱暫開之證不可執一也

附方

心腹冷痛胡椒三七枚清酒吞之或云一歲一粒

心下大痛毒域方用椒四十九粒乳香一錢研勻男

用生薑女用當歸酒下 又方用椒五分沒藥三錢

研細分二服溫酒下 又方胡椒葉豆各四十九粒

研爛酒下神效 霍亂吐利孫真人用胡椒三十粒以飲吞之 直指

方用胡椒四十九粒葉豆一百四十九粒研勻木瓜

湯服一錢 反胃吐食戴原禮方用胡椒醋浸日乾如此七次為

漢酒糊九梧子大每服三四十九粒醋湯下 聖惠方

用胡椒七錢半煨薑一兩水煎分二服 是齋百一

方用胡椒半夏湯泡等分為末薑汁糊丸梧子大每

薑湯下三十丸 夏月冷瀉及霍亂用胡椒碾末飯丸梧子大每米飲

下四十九粒 赤白下痢胡椒葉豆各一歲一粒為末糊丸梧子大

紅用生薑白用米湯下 大小便閉關格不通脹悶二三日則殺人胡椒二十

一粒打碎水一盞煎六分去滓入芒硝半兩煎化服

小兒虛脹塌氣丸用胡椒一兩蠟尾半兩為漢麪糊

丸粟米大每服五七丸陳米飲下一加萊服子半兩

衛凝滯潰為癰疽多致不救用胡椒二百五十粒蠟

尾四箇生木香二錢半為末粟米飯丸葉豆大每服

二十九粒橘皮湯下名磨積丸 房勞陰毒胡椒七粒慈心二寸半麝香一分搗爛以

黃蠟溶和做成條子插入陰內少頃汗出即愈

驚風內釣胡椒木龍子仁等分為末醋調黑豆末和

杵丸葉豆大每服三四十九粒荊芥湯下

發散寒邪胡椒丁香各七粒碾碎以葱白搗膏和塗

兩手心合掌握定夾於大腿內側溫覆取汗則愈

傷寒欬逆日夜不止寒氣攻胃也胡椒三十粒打碎

麝香半錢酒一鍾煎半鍾熱服 風蟲牙痛衛生易簡方用胡椒華菱等分為末蠟丸

麻子大每用一丸塞蛀孔中 韓氏醫通治風蟲客

寒三般牙痛呻吟不止用胡椒九粒葉豆十一粒布

裹搥碎以絲綿包作一粒患處咬定涎出吐去立愈

普濟方用胡椒一錢半以羊脂拌打四十九粒擦之

追涎 阿伽陀丸治婦人血崩用胡椒紫檀香鬱金茜根小

葉皮等分為漢水丸梧子大每服二十九粒膠湯下

李時珍曰按西陽雜俎胡椒出摩伽陀國此方之名

因此而訛者也 沙石淋痛胡椒粒稍等分為末每服用二錢白湯下

日二名二拗散 蜈蚣咬傷胡椒嚼封之即不痛

畢澄茄釋名

李時珍曰番語也

集解

陳藏器曰畢澄茄生佛國狀似梧桐子及蔓荊子而微大

李珣曰胡椒生南海諸國向陰者爲澄茄向陽者爲胡椒按顧微廣州志云澄茄生諸海國乃嫩胡椒也青時就樹采摘柄粗而蒂圓

蘇頌曰今廣州亦有之春夏生葉青滑可愛結實似梧桐子微大八月九月采之

李時珍曰海南諸番皆有之蔓生春開白花夏結黑實與胡椒一類二種正如大腹之與檳榔相近耳

修治

雷敩曰凡采得去柄及皺皮子用酒浸蒸之從已至酉杵細曬乾入藥用

實氣味

辛溫無毒

李珣曰辛苦微溫

主治

陳藏器曰下氣消食去皮膚風心腹間氣脹令人能食療鬼氣能染髮及香身

大明曰治一切冷氣痰癖并霍亂吐瀉肚腹痛腎氣勝脫冷

李時珍曰暖脾胃止嘔吐噎逆

附方

脾胃虛弱胃膈不快不進飲食用畢澄茄爲末薑汁打神麴糊丸梧子大每薑湯下七十九日二服
噎食不納畢澄茄白荳蔻等分爲漠乾紙之

神方

反胃吐食吐出黑汁治不愈者用畢澄茄爲漠米糊

丸梧子大每薑湯下三四十九日一服愈後服平胃散三百貼

傷寒欬逆呃噎日夜不定者用畢澄茄高良薑各等分爲漠每服二錢水六分煎十沸入酢少許服之

痘瘡入目羞明生翳畢澄茄末吹少許入鼻中三五次效

鼻塞不通肺氣上攻而致者畢澄茄丸用畢澄茄半兩薄荷葉三錢荊芥穗一錢半爲末蜜丸芡子大時時含嚥

附錄山胡椒
蘇恭曰所在有之似胡椒色黑顆粒大如黑豆味辛大熱無毒主心腹冷痛破滯氣俗用有效

高濂草花譜
番椒
番椒叢生白花子儼似秃筆頭味辣色紅甚可觀子

種
遵生八牋
製川椒法

擇鮮紅開口者用閉口者不用將粗紙襯鍋底微火炒脆碾爲細末用紙鋪地下火毒一夜方收聽用椒乃通氣之物去寒氣通滯氣清心明目大有奇效也

椒部藝文一

椒華銘

嘉哉芳椒載繁其實厥味維珍獨除百疾肇惟歲始月正元日永介眉壽以祈初吉

椒贊

椒之灌植實繁有倫拂穎霑霜朱實芬辛服之不已洞見通神

元日獻椒花頌

璇穹周迴三朔肇建青陽散輝澄景載渙美哉靈葩爰采爰獻聖容映之永壽於萬

椒部藝文二詩

椒園

桂尊迎帝子杜若贈佳人椒漿奠瑤席欲下雲中君

椒園

丹刺臂人衣芳香留過客幸堪調鼎用願君垂采摘

三年爲倖與何長高臥應多事少仕又見秋風霜裏

樹滿山椒熟水雲鄉

宋蘇軾

唐王維

裴迪

僧齊己

次韻袁公濟謝芳椒

燥吻時時著酒濡要令臥疾致文殊河魚潰腹空號
楚汗水流散始信吳自笑方求三歲艾不如長作獨
眠夫羨君清瘦真仙骨更助飄飄鶴背驅

地椒

元許有壬

陳雨催花紫輕風散野香刺沙尖葉細數地亂條長
楚客收成囊裏重擷滿筐行廚供草具調鼎爾非良

花椒

明僧宗林

忻忻笑口向西風噴出元珠顆顆同采處倒含秋露
白曬時嬌映夕陽紅調漿美著騷經上塗壁香凝漢
殿中鼎餽也應加此味莫教薑桂獨成功

椒部選句

楚屈原離騷雜申椒與菌桂兮又巫陽將夕降兮懷
椒醕以要之

九歌寢桂酒兮椒漿又播芳椒兮盈堂

九章惟佳人之獨處兮折若椒以自度

漢司馬相如子虛賦椒桂木蘭

劉向九歎懷椒聊之設設兮

魏曹植七啓紫蘭丹椒施和必節

晉左思蜀都賦或蕃丹椒

周庚信詩椒花逐頌來又紅椒艷復殊

唐孟浩然詩石上攢椒樹

杜甫詩守歲阿戎家椒盤已頌花又椒實雨新紅

李賀詩椒花墜紅濕雲間

白居易詩聞道雲南有瀘水椒花落時瘴烟起

宋歐陽修詩梯林闌摘椒

蘇軾詩胡椒林雨多安用八百斛

陸游詩橙椒香美白蠶肥

元馬祖常詩椒花紫紫風雨香

張翥詩流風落野椒又紅椒花露濕妝痕

椒部紀事

范子計然蜀椒出武都赤色者善秦椒出天水隴西
細者善

四民月令正月之旦進酒降神畢室家無大小次坐

先祖之前子孫各上椒酒於其家長稱舉白

張璠漢記桓帝實皇后崩中常侍曹節王甫欲以貴

人禮葬太尉李固自扶輿起攜椒自隨語妻子曰若

太后不得配桓帝吾不生還矣

魏氏春秋同異鍾繇嬰庶子會之母黜嫡夫人文帝

命復焉繇志念餐椒致噤帝乃止

嫩煌新錄胡蘇割刺在答魯之石大澤中高百尋然
無草木石皆赭色山產椒椒大如彈丸燃之香徹數
十里每燃椒則有烏自雲際踰騰五色名緒爾鳥蓋
鳳凰種也時漢武帝遣將軍趙破奴逐之得其椒不
能解詔問東方朔朔曰此天仙椒也塞外千里有之
能致鳳武帝植之太液池至元帝時椒生果有異鳳
翔集

續漢書天竺國出石蜜胡椒黑鹽

晉書石崇傳崇與貴戚王愷羊琇之徒以奢靡相尚
崇塗屋以椒燈用赤石脂

南史齊高帝諸子傳豫章文獻王嶷第二子子恪建
武中爲吳郡太守及大司馬王敬則於會稽反奉子

恪爲名而子恪奔走未知所在始安王遙光勸上併

誅高武諸子孫於是並殺竟陵王昭胄等六十餘人

入未福省令太醫煮椒二斛并命辦數十具棺材謂

舍人沈徽孚曰椒熟則一時賜死期三更當殺之會

上暫臥主書單景偁倚旨覽之徽孚堅執曰事須

更審爾夕三更子恪徒跣奔至建陽門上聞驚覺曰

故當未賜諸侯命耶徽孚以答上撫牀曰遙光幾誤

人事及見子恪顧問流涕諸侯悉賜供饌以子恪爲

太子中庶子

唐書元載傳載縱諸子關通貨賄大曆十二年三月

賜載自盡籍其家鍾乳五百兩胡椒至八百石他物

稱是

鄭侯家傳唐德宗好茶加酥椒

監察本草御史裏行及試員外爲合口椒最毒殿中

曰生薑侍御爲脆梨漸入佳味監察爲開口椒毒微

歇
宋史地理志黎州貢紅椒廣州貢胡椒

明會典洪武十六年令在京文武官吏人等正旦元
宵節錢支與胡椒斤兩不等

瀛涯勝覽蘇門答刺者即古須文達那國其地依山

則種椒園蔓生如中國蔬菜狀花黃子白其實初青
老則紅半老則采之暴乾每百斤直白金一兩

阿枝國產胡椒往往種於園四百斤直金錢百文銀
直五兩珠以分論

古俚國產胡椒亦以圃種十月熟

枝山前聞鄉先生盛起東寅嘗夜夢有人寄椒於家
久矣急欲椒遂私發而用之既覺深自咎曰豈吾平

日義心不明以致此耶迄不能寐坐以待旦

四川志各州縣俱出椒惟茂州出者最佳其殼一開
一合者最妙

椒部雜錄

莊子韋以哀椒雖踰絳絳然久則臭

荀子民之親我驩若父母其好我芬若椒蘭

史記禮書椒蘭芬葩所以養鼻也

淮南子申椒杜芷美人之所懷服也及漸之于滑則
不能保其芳矣

漢官儀皇后稱椒房取其實蔓延盈升以椒塗室亦

取其溫暖

孝經援神契椒薑禦濕菖蒲益聰

酉陽雜俎椒可以來水銀菜羹氣好上椒氣好下
風土記三香椒檳薑

物類相感志用鹽搗椒椒味好

東坡詩注吳君服椒法并歌曰其椒應五行其仁
通五義服之半年內腳心汗如水

欽定古今圖書集成博物彙編草木典

第二百五十一卷目錄

樛部彙考

本草綱目

樛部彙考

本草綱目

樛部彙考

詩經

毛詩陸疏廣要

本草綱目

樛部彙考

械部彙考

詩經

爾雅

山海經

毛詩陸疏廣要

徐光啓農政全書

本草綱目

械部彙考

樛部彙考

本草綱目

樛部彙考

樛部彙考

賈思勰齊民要術

本草綱目

樛部彙考

山海經

樛部選句

詩經

爾雅

山海經

毛詩陸疏廣要

本草綱目

樛部藝文一

靈壽杖銘

樛部藝文二

植靈壽木

靈壽木

樛部選句

樛部紀事

樛部雜錄

漢李尤

唐柳宗元

宋張浮休

草木典第二百五十一卷

樛部彙考

圖闕

本草綱目

樛子集解

陳藏器曰樛子似梨生江南左思吳都賦樛留禦霜

是也

李時珍曰樛留二果各按薛瑄荊陽異物志云樛子

樹南越丹陽諸郡山中皆有之其實如梨冬熟味酢

留子樹生交廣武平與古諸郡山中三月著花結實如梨七八月熟色黃味甘酢而核甚堅

實氣味

甘溫平無毒

主治

陳藏器曰生食之止水痢熟和蜜食之去嗽

樛部彙考

圖闕

本草綱目

樛子集解

李時珍曰徐表南州記云出九真交趾樹生子如桃實長寸餘二月開花連著子五月熟色黃鹽藏食之

味酸似梅

樛部彙考

釋名

樛

木蜜

樛兒刺

圖闕

詩經

小雅南山有臺

南山有樛北山有槐

枳枸

樛骨

傳 枸枳 正義曰枸釋木無文宋玉賦曰枳枸來巢則枸木多枝而曲所以來巢也陸璣疏云枸樹高大似白楊有子著枝端大如指長數寸噉之甘美如飴八月熟今官園種之謂之木蜜

小雅

南山有枸

枸樹山木其狀如櫨一名枸骨高大如白楊所在山中皆有理白可爲函板枝柯不直子著枝端大如指長數寸噉之甘美如飴八九月熟江南特美今官園種之謂之木蜜古語云枳枸來巢言其味甘故飛鳥慕而巢之本從南方來能令酒味薄若以爲屋柱則一屋之酒皆薄

宋玉賦曰枳枸來巢謂枸木多枝而曲所以來巢也本草枳椇一名木蜜以木爲屋屋中酒則味薄註云昔有南人修舍用此木椽有一片落在酒甕中其酒化爲水味唐本註云其樹徑尺木名白石葉如桑柘其子作房似珊瑚核在其端埤雅云根木高大似白楊子依房生著枝端大如指長數寸噉之甘味如飴今俗謂之枳椇古今註一名樹蜜一名木錫實形卷曲核在實外一名白石白實木石木實爾雅翼古者人君燕食所加庶羞凡三十一物根其一也又婦人之贊根榛栗栗荆楚之俗亦鹽藏荷裹以爲冬儲今不以爲重賤者食之而已明堂位四代之俎商以根蓋俎足橫木爲曲撓之形如根枳之枝也今人謂之枳枸又謂之蜜曲錄荀子枸木必待鹽括承矯然後直廣志云葉似

蒲柳子十一月熟樹乾者益美或云果名一名白石李通志枳椇蜀人謂之枸詩緝云疏引宋玉賦枳椇來巢以證毛說然風賦字作枳句李善註云橘踰淮爲枳句曲也何音譌非毛義也

本草綱目

枸骨釋名

陳藏器曰此木肌白如狗之骨李時珍曰葉有五刺如猫之形故名又衛矛亦名枸骨與此同名

集解

陳藏器曰枸骨樹如杜仲詩云南山有枸是也陸璣詩疏云山木也其狀如櫨木理白滑可爲函板有木宜在葉中卷之如子羽化爲室

蘇頌曰多生江浙間南人取以旋食器甚佳李時珍曰枸骨樹如女貞肌理甚白葉長二三寸青翠而厚硬有五刺角四時不凋五月開細白花結實如女貞及孩髮子九月熟時緋紅色皮薄味甘核有四瓣人采其木皮煎膏以粘鳥雀謂之粘藕

木皮氣味

微苦涼無毒

木皮主治

陳藏器曰浸酒補腰脚令健

枝葉氣味

同皮

枝葉主治

陳藏器曰燒灰淋汁或煎膏塗白瘡風

械部彙考

釋名

枝

蕤核 本經

白桫 爾雅

械圖



詩經

大雅綿

柞械拔矣

械白桫也 疏 械白桫釋木文郭璞曰桫小木也叢生有刺實如耳瑤紫赤可食陸璣疏云三蒼說械卽柞也其材理全白無赤心者爲白桫直理易破可爲櫓車又可爲矛戟矜今人謂之白桫或曰白桫此二說不同未知孰是 皇矣

柞械斯拔松柏斯兌

爾雅

釋木

械白椶

椶小木叢生有刺實如耳瑤紫亦可啖械一

名白椶郭云椶小木叢生有刺實如耳瑤紫亦可

啖詩大雅云凡其械櫟陸璣云三蒼說械即柞也

其材理全白無赤心者爲白椶直理易破可爲櫟

車輻又可爲矛戟矜今人謂之白椶或曰白柞此

二說不同未知孰是

山海經

西山經

嶮次之山其上多械櫟

毛詩陸疏廣要

大雅

柞械拔矣

柞械三蒼說械即柞也其材理全白無赤心者爲

白椶直理易破可爲櫟車軸又可爲矛戟鐵

爾雅云械白椶郭云小木叢生有刺實如耳瑤紫

亦可啖鄭註即山柞也爾雅翼柞生南方葉細而

密今人爲梳用之詩雅道柞爲尤多方周之與太

姒夢商之庭產棘小子發取周庭之梓植之于闕

間梓化爲松柏柞械覺驚以告文王文王曰勿言

冬日之陽夏日之陰不召而物自來以爲宗周興

王之兆故詩曰帝省其山柞械斯拔松柏斯兌帝

作邦作對自太伯王季未必不謂此也又述文王

之事曰柞械拔矣山木多矣而獨言柞械蓋柞民

之所燎且至于聳拔則其餘可知也齊民要術稱

柞斫去尋生料理還復蓋良木之易成者然亦非

人力料理有不可復此以見太王之勤也又言柞

宜種於山阜之曲十年中椶二十年中屋椶柴在

外然則爲利亦博矣通志柞木曰械曰柞曰柞爾

雅云柞杆詩析其柞新又曰柞械斯拔陸璣云三

蒼云械即柞也其葉繁茂其木堅韌有刺今人以

爲梳亦可以爲車軸嚴粲云柞櫟也即唐風鴛羽

所謂柞也

據陸氏釋柞械與唐風集于苞柞之柞泰風山有

苞櫟之櫟一物也秦人謂柞爲櫟徐州人謂櫟爲

柞不過方言或異耳嚴華谷亦云然但鄭漁仲謂

柞杆爲柞謂櫟爲櫟別是一種本草又以櫟櫟稍

有差別朱子解柞云枝長葉盛叢生有刺却與櫟

葉如栗葉者不同況柞十年中椶二十年中屋而

朱子解械云小木叢生有刺何相去之遠耶可見

械是小木所謂無赤心實如耳瑤者是也柞櫟櫟

是大木所謂栗屬樹大蔽牛者是也但鄭氏認械

是山柞恐未必然

徐光啓農政全書

蕤核樹考

蕤核樹俗名蕤李子生函谷川谷及巴西河東皆有

今古嶠關西茶店山谷間亦有之其木高四五尺枝

條有刺葉細似枸杞葉而尖長又似桃葉而狹小亦

薄花開白色結子紅紫色附枝莖而生狀類五味子

其核仁味甘性溫微寒無毒其果味甘酸

摘取其果紅紫色熟者食之

本草綱目

蕤核釋名

李時珍曰爾雅械白椶即此也其花實蕤蕤下垂故

謂之椶後人作蕤柞木亦名械而物異

集解

別錄曰蕤核仁生函谷川谷及巴西

陶弘景曰今出彭城大如烏豆形圓而扁有文理狀

似胡桃核今人皆合殼用此應破取仁秤之

韓保昇曰今出雍州樹生葉細似枸杞而狹長花白

子附莖生紫赤色大如五味子莖多細刺五月六月

熟采實日乾

蘇頌曰今河東并州亦有之木高五七尺莖間有刺

李時珍曰郭璞云白椶小木也叢生有刺實如耳瑤

紫亦可食即此也

仁修治

雷斅曰凡使蕤核仁以湯浸去皮尖壁作兩片每四

兩用芒硝一兩木通草七兩同水煮一伏時取仁研

膏入藥

氣味

甘溫無毒

別錄曰微寒

主治

吳普曰神農雷公甘無毒生平地八月采之

本經曰心腹邪熱結氣明目目赤痛傷淚出目腫皆

爛久服輕身益氣不饑

吳普曰強志明耳目

別錄曰破心下結痰痞氣臍鼻

甄權曰治鼻衄

陳藏器曰生治足睡熱治不眠

發明

陶弘景曰醫方惟以療眼仙經以合守中丸也

蘇頌曰按劉禹錫傳信方所著治眼法最奇云眼風

痒或生翳或赤眚一切皆主之宜州黃連末糝核仁

去皮研膏等分和勻取無神乾棗二枚割下頭去核

以二物填滿却以割下頭合定用小薄綿裹之大茶

盤盛於銀器中文武火煎取一鷄子大以綿濾攪收

點眼萬萬不失前後試驗數十人皆應今醫家亦多

用得效也

附方

春雪膏治肝虛風熱上攻眼目昏暗痒痛隱澀赤腫

羞明不能遠視迎風有淚多見黑花用糝仁去皮壓

去油二兩腦子二錢半研勻生蜜六錢和收點眼

百點膏治一切眼疾糝仁去油三錢甘草防風各六

錢黃連五錢以三味熬取濃汁次下糝仁膏日點

撥雲膏取下翳膜糝仁去油五分青鹽一分猪脂子

五錢共搗二千下如泥罐收點之 又方糝仁一兩

去油入白蓬砂一錢麝香二分研勻收之去翳妙不

可言

飛血眼糝仁一兩去皮細辛半兩苦竹葉三握洗水

二升煎一升濾汁頻濕洗之

赤爛眼近效方用糝仁四十九箇去皮胡粉煨如金

色一鷄子大研勻入酥一杏仁許龍腦三豆許研勻
油紙裹收每以麻子許塗大小皆上頻用取效 經
驗良方用糝仁杏仁各一兩去皮研勻入膩粉少許
爲丸每用熱湯化洗

械部紀事

宋書符瑞志文王之妃曰太姒夢商庭生棘太子發

植梓樹於闕間化爲松柏械梓以告文王文王幣告

羣臣與發並拜吉夢

機部彙考

圖闕

本草綱目

機木集解

陳藏器曰機木生江南深山大樹樹有數種取葉厚

大白花者入藥自餘灰入藥家用

李時珍曰此木最硬梓人謂之機筋木是也木入藥

緯用葉亦可釀酒

木灰氣味

甘溫小毒

主治

陳藏器曰卒心腸癢瘕堅滿痔瘡淋汁八升釀米一

斗待酒熟每溫飲半合漸增至一二盞即愈

機部彙考


釋名

莎木 廣志

莎木 綱目

機木 綱目

機圖



賈思勰齊民要術

莎木

廣志曰莎木多枝葉兩邊行列若飛鳥之翼其樹收朽不過一斛

蜀志記曰莎樹出朽一樹出一石正白而味似枕椰出與古

本草綱目

莎木類釋名

李時珍曰莎字韻書不載惟孫愐唐韻莎字註云樹似枕椰則莎字當作莎衣之莎其葉離披如莎衣之狀故謂之莎也張勃吳錄地理志言交趾懷木皮中有白粉如米屑乾之搗末以水淋過似麪可作餅食者卽此木也後人訛懷爲莎音相近爾楊慎厄言乃謂懷木卽枕椰誤矣按左思吳都賦云麪有枕椰又曰文懷植檀旣是一物不應兩用矣

集解

李珣曰按蜀記云莎木生南中八郡樹高十許丈闊四五圍峰頭生葉兩邊行列如飛鳥翼皮中有白麪石許搗篩作餅或磨屑作飯食之彼人呼爲莎麪輕滑美好勝于枕椰麪也

陳藏器曰莎木生嶺南山谷大者木皮內出麪數斛色黃白

李時珍曰按劉欣期交州記云都勾樹似櫻櫚木中出屑如枕椰麪可作餅餌恐此卽懷木也

莎麪氣味

甘平溫無毒

主治

李珣曰補益虛冷消食
陳藏器曰溫補久食不饑長生

櫻部彙考

圖闕

山海經

西山經

應陽之山其木多櫻櫚豫章

注 櫻似松有刺

櫻部選句

漢張衡南都賦其木則檉杻櫻櫚 注 櫻曰荆桃櫻似松柏有刺

楮部彙考

釋名

楮

詩經

靈壽

圖闕

詩經

大雅皇矣

啓之辟之其檉其楮

注

楮檉也應節似扶老可爲杖者也大陸氏曰節中腫似扶老卽今靈壽是也今人以爲馬鞭及杖弘農共北山甚有之

爾雅

釋木

楮檉

注

腫節可以爲杖 別二名也郭云腫節可以爲杖詩大雅皇矣其檉其楮陸璣疏云節中腫似扶老今人以爲馬鞭及杖弘農共北山甚有之

山海經

北山經

號山其下多桐楮

注

楮檉木應節中杖

中山經

虎尾之山其木多楮

楮山多楮

虎首之山多直楮

丑陽之山其上多楮

龜山其木多楮

龜山其木多楮